



Broj: JN-44/15

Sarajevo, 08.06.2015. godine

Na osnovu člana 64. stav (1) tačka b) i čl. 70. st. (1), (3) i (6) Zakona o javnim nabavkama („Sl. glasnik BiH“, broj 39/14), člana 8. stav (1) tačka f) Pravilnika o uspostavljanju i radu Komisije za nabavke („Sl. glasnik BiH“, broj 103/14), a na osnovu Preporuke Komisije broj: JN-44/15 od 05.06.2015. godine, u postupku nabavke, isporuke i montaže drvenog mobilijara u zaštićenim prirodnim područjima Kantona Sarajevo, direktor Kantonalne javne ustanove za zaštićena prirodna područja je d o n i o

ODLUKU o izboru najpovoljnijeg ponuđača

Član 1.

Prihvata se Preporuka Komisije za javnu nabavku, broj: JN-44/15 od 05.06.2015.godine, te se dodjeljuje ugovor za **nabavku, isporuku i montažu drvenog mobilijara u zaštićenim prirodnim područjima Kantona Sarajevo** ponuđaču „**SARAJEVO-ŠUME**“ d.o.o. Sarajevo čija cijena ponude iznosi **36.031,19 KM** bez PDV-a, te ukupnom cijenom sa uračunatim PDV-om bez popusta u iznosu od **42.156,49 KM**.

Ponuda ponuđača je ocijenjena kao najprihvatljivija ponuda.

Član 2.

Ugovor o nabavci, isporuci i montaži drvenog mobilijara u zaštićenim prirodnim područjima Kantona Sarajevo će se dostaviti na potpis izabranom ponuđaču KJP „Sarajevo-šume“ d.o.o. Sarajevo nakon proteka roka od 15 dana, a računajući od dana kada je ponuđač obaviješten o izboru najpovoljnije ponude.

Član 3.

Ova odluka objavit će se na web stranici Javne ustanove www.zppks.ba istovremeno s dostavljanjem ove odluke i obavještenja ponuđačima.

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom direktora Javne ustanove o pokretanju postupka javne nabavke broj: JN-44/15 od 05.05.2015. godine. Procijenjena vrijednost javne nabavke bez PDV-a je 50.000,00 KM.

S obzirom na procijenjenu vrijednost nabavke, isporuke i montaže drvenog mobilijara u zaštićenim područjima Kantona Sarajevo procedura javne nabavke je provedena putem konkurentskog zahtjeva za dostavu ponuda.

Obavijest o nabavci broj: 522-7-1-56-3-5/15 poslata je na Portal javnih nabavki dana 05.05.2015. godine. Sa slanjem obavijesti na Portal javnih nabavki, zahtjev za dostavu ponuda upućen je slijedećim ponuđačima:

1. KJP „Sarajevo-šume“ d.o.o. Sarajevo
2. MIPROGRADNJA d.o.o. Ilijaš i
3. MURAI-COMERC d.o.o. Sarajevo

Komisija koja je imenovana Odlukom broj: JN-44/15 od 05.05.2015. godine je pored sačinjavanja tenderske dokumentacije izvršila javno otvaranje ponude, izvršila analizu ponude u formalno-pravnom i tehničkom smislu, sačinila zapisnik o pregledu i ocjeni ponuda i dala preporuku o izboru najpovoljnijeg ponuđača, u predmetu nabavke, isporuke i montaže drvenog mobilijara u zaštićenim prirodnim područjima Kantona Sarajevo, te dostavila direktoru Javne ustanove s ciljem donošenja konačne odluke.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda, o čemu je sačinila odgovarajuće zapisnike u kojima je utvrđeno slijedeće:

- ukupno su pristigle ponude od strane pet ponuđača koje su blagovremeno zaprimljene;
- neblagovremeno zaprimljenih ponuda nije bilo.

U postupku evaluacije ponuda utvrđeno je slijedeće:

Ponuđač KJP „Sarajevo-šume“ d.o.o. Sarajevo je dostavio potrebnu dokumentaciju. Na javnom otvaranju ponuda oučeno je da kovarta ponuđača KJP „Sarajevo-šume“ d.o.o. Sarajevo propisno naslovljena, te zatvorena (zaljepljena), ali nije dodatno osigurana pečatima. Komisija je konstatovala i na javnom otvaranju ponuda je bilo vidljivo da je ponuda prednje navedenog ponuđača čvrsto uvezana, tj. uvezana u fasciklu sa mehanizmom, dodatno osigurana jemstvenikom i **to na oba slobodna kraja jemstvenika** (na prvoj i posljednjoj strani pričvršćena utisnutim žigom), a sve u svrhu izbjegavanja manipulisanja stranicama ponude. Zauzima se stav da nedostatak nije suštinske prirode i nije razlog za eliminaciju istog.

Ponuđač KRANING d.o.o. Puračić je dostavio dokumentaciju traženu tenderskom dokumentacijom.

Ponuđač INTER-COM d.o.o. Zenica je dostavio svu potrebu dokumentaciju.

Ponuđač GLOVIS d.o.o. Zenica se eliminiše iz daljeg postupka nabavke iz razloga što je njegova ponuda nepotpuna, odnosno cijena ponude koju je ponudio je nepotpuna zato što nisu urečunate sve stavke sadržane u Obazcu Specifikacije robe Aneks br. 4.



Ponuđač **ISTRACOM d.o.o. Sanski Most** je u ponudi dostavio cijenu koja je znatno veća od procjenjene vrijednosti predmetne nabavke robe koja je propisana za konkurentski zahtjev odredbom člana 14. stav (1) a u vezi sa članom 87. stav (2) Zakona o javnim nabavkama (Sl. glasnik BiH“, broj 39/14) ponuđa se neće uzeti u razmatranje i evaluaciju.


U postupku donošenja ove odluke, posebno su cijanjene činjenice da je Komisija, pravilno i potpuno, izvršila ocjenu kvalifikacije ponuđača, shodno kriterijima iz tenderske dokumentacije.

Posebno se ocijenila činjenica da je cijena ponude ponuđača KJP „Sarajevo-šume“ d.o.o. Sarajevo najniža, ekonomski prihvatljiva sa aspekta najefikasnijeg i racionalnog korištenja i trošenja javnih (budžetskih) sredstava, te Komisija daje preporuku da se KJP „Sarajevo-šume“ d.o.o. Sarajevo izabere kao najpovoljniji ponuđač.

Naime, direktor je ocjenio da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu gore izloženog, direktor Javne ustanove je odlučio kao u članu 1. Odluke.

Pouka o pravnom lijeku: Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje ugovornom organu Kantonalnoj javnoj ustanovi za zaštićena prirodna područja u pisanoj formi direktno ili preporučenom poštanskom pošiljkom na adresu ul. Branilaca Sarajeva 28, 71 000 Sarajevo. Žalba se podnosi u dovoljnom broju primjeraka, a koji ne može biti manji od 3 (tri) primjerka.



DIREKTOR

mr. sci. Osman Delić

Dostaviti:

- 1) KJP Sarajevo-šume d.o.o. Sarajevo
- 2) KRANING d.o.o. Puračić
- 3) INTER-COM d.o.o. Zenica;
- 4) GLOVIS d.o.o. Zenica;
- 5) ISTRACOM d.o.o. Sanski Most;
- 6) za objavu na web stranici Javne ustanove;
- 7) u spis predmeta.